

史部・地理類

〔嘉靖〕廣東通志初

稿〔康熙〕廣東輿圖

〔成化〕廣州志

北京圖書館古籍珍本叢刊

38



書目文獻出版社

ISBN 7-5013-1386-5



9 787501 313860 >

北京圖書館古籍珍本叢刊

38

史部·地理類

〔嘉靖〕廣東通志初

稿〔康熙〕廣東輿圖

〔咸化〕廣州志

編者 北京圖書館古籍出版編輯組

出版 書目文獻出版社

（北京文津街七號）

印刷 北京大興古籍印刷裝訂廠

定價 叁佰壹拾圓

ISBN 7-5013-1386-5/Z·206

〔明〕戴璟 張岳 等纂修

〔嘉靖〕廣東通志初稿

四十卷首一卷

據明嘉靖刻本影印

目錄

〔嘉靖〕 廣東通志初稿 四十卷首一卷	 一
〔康熙〕 廣東輿圖十二卷	 六六七
〔成化〕 廣州志三十二卷（存九卷）	 九六五

晉迄我

皇明乘運統一寰宇薄極海外傾心王臣今
枕林解窟無尺寸不入版圖可謂盛矣天
下之生父矣一治一亂是故漢一時也唐六
時也我

明一時也不於是可考地運乎漢晉前廣
罕仕賢聲寥寥及唐張曲江公以相繼

顯宋余忠襄公以直諫顯仕者始峰然
出頭角鏗然厲聲名南宋崔菊坡公十
三疏辭相位清風高節夷夏想聞至于
我

明成化弘治間白沙陳先生者出默學潛脩
巋然以道統自任由是而仕者樂恬退
學者知本原今文士衰然魁天下恒不

俗焉善為政者於是乎取材矣知其漸
而防之知其流而遏之美者崇之惡者
沮之利者興之弊者蠶之於治教其庶
乎吾廣古百越地三代前猶在荒服至
秦始入屬郡更漢歷唐幅員益廣晉宋
莫及也晉唐更宋盧黃寇攘荆奔過半
南北五代焚亂無紀胡元涵濁幾于淪

自以爲至而惟反躬上邇于道德性命之求斯亦盛矣是故道德本也文藝末也不於是可以徵士風乎自昔廣俗朴野少文晉隋之間樵薪其踞舊風猶爾唐宋而降文物寢盛無異中州入我

國朝百六十年來聲教日洽今雖閭閻士女冠裳簪履雅容揖讓之節昏喪之際爭

廣東通志

卷一

以不及禮爲耻至于燕會之常樽罍肴核璀璨陸離與京都埒嗚呼亦盛矣是故夏尚忠商尚質周尚文其時然也不於是可以觀民俗雖然地極廣大則生齒之蕃也習鸞高遠則功名之薄也俗尚侈靡則財用之蠹也善爲政者有憂之生齒蕃庶則思所以安集富養之

廣東通志

甲

方士薄功名則思所以崇獎激厲之道民俗侈靡則思所以返朴還淳之術故曰化而裁之存乎變推而行之存乎通神而明之存乎其人此有司者之責也此戴君志也是編也雖草創于提舉張岳教授何元述教諭王時中輩而發凡舉例搜逸至無叙以先之贊以終之皆出戴君手自裁訂戴君雄才博學按茲一方大有風裁吏弊民隱抉剔靡遺而猶有暇力以及乎文事卓然成一家言以垂百世典厥功偉矣獻夫卧病山中筆硯弗治魂莫能出一詞贊之而實樂其成也可不有言於是乎序

嘉靖十四年歲在乙未冬十一月之吉

賜進士光祿大夫柱國

少保兼太子太保吏部尚書

武英殿大學士知

制誥

經筵日講事

國史總裁官南海病叟方獻夫書

廣東通志序

五



廣東通志序

乙未冬廣東通志成倫子觀之始分野
曰明天道矣賸而不亂辯而不誣其保
章氏之遺乎廼觀山川曰美哉東南之
勝觀政紀曰可以秉教矣夫教者政之
依也至郡縣疆域封國曰是古所謂雄
緊之地耶至沿革曰述矣百世之上百

廣東通志序

六

世之下莫之能遠也是其徵乎坊都曰
恤勞均佚衆豫以勸至秩官曰大哉我
明之制乎君子居其位則思靖共焉公署
曰在上者處高明履顯榮匪以上人實
務庇之故居夏屋思民有不得其所者
矣至循吏名宦曰夫有功於民去則思
之沒則表之至矣人物列傳曰彰德立

教不預於茲有非夫也義方曰稱人之善必本諸父兄師友厚之道乎他志未之及也流寓曰夫人之至是邦也或以爲榮或以爲辱其嚴乎學校曰教之所也善我思樂願治者三復焉廼至道學曰内外一矣其聖賢之衷乎至風俗曰作者之謂風成者之謂俗慎之哉未有倡

廣東通志序

而不從者也科貢曰厚哉國之待士也士之報也何以禮樂曰可以度矣其文章以則卹典曰可以勸矣其義昭以敦觀神祠曰祭義可識矣爲政者勤民而事神神則假之故曰賢者之祭也必受其福戶口曰古者獻民數于主王拜受之示重也蕃而息之惟牧至曰賦曰知

保障矣廼觀課料差後均平糧餉曰其政之始務乎倉廩驛傳曰其庶官之司守乎監法屯田曰是國之經也至珠池鐵冶番舶曰是國之資也觀物產曰粵鑄燕函秦鑪荆玄纁菁茅嶧陽孤桐羽畎夏翟類也觀水利曰是川漕之遺也自軍制以下遍觀焉曰有文事者必

廣東通志序

有武備其可弛諸至外夷海寇黎獍曰聖人能内外無患其衰也戎寇生於門庭於仙釋曰易云言天下之賾而不可惡也不可惡者道也聖人不知不能者亦道也於祥異曰休咎之占古有職庀觀舖舍橋梁曰是司空平五土以奠民也至宮室陵墓曰廢興之跡吾有感焉

觀於雜著終焉曰賁道飭矣於是作而
嘆曰昔我先君實職太史掌四方之志
以贊

王治用能周知天下郡國之故尚古之迹靡
有遺逸是故因倂以設教順時以敷政
通變以宜民志之所係豈其微哉况
明興幾二百禩于茲

廣東通志序

九

列聖德化滲漉周溥故聲明文物彬彬益盛
其可已志乎并石戴公承

天子明命出按吾廣政務具舉軌物端則叢
蠹蠲弊悉剷磔之基年吏肅民蘇百度
咸式而於此尤慎竭焉可謂識其大者
公博洽明練克敏克任不三閱月而志
成爲全粵彝典他日傳之四方藏之石

室官未爲吏氏之守曰初稿示謙也

賜進士出身浙江道監察御史前翰林院庶
吉士南海倫以諒拜手書



廣東通志序

十

新編廣東通誌初稿序

璟奉

命叨按廣東維是偏州下邑匹馬馳驅過荒
郊每見田夫野叟率改容咨諏爰輯按
廣事宜具載閭閻疾棘以敷我胃腸以
爲民述矣尋以賦役弗均時方覲瘠復
更定賦役文冊以辰告顧通誌先年屢
廣東通志初稿序 十二

募米成虛糜數百金士民相與嗟曰及
今不宣乃心以貽盛典不啻蠹將未
文獻不其或稽予曰然乃案發布政司
舉行先是

南川陶公以元老秉節鉞於茲土亦案行
各府取誌爰禮聘文學鉅公總理誌事
皆不至維是提舉張岳教授何元述教

廣東通志初稿序

十二

諭王時中等暨學生十餘員至館予命
分野等六十餘條俾各按舊誌纂錄尚多
牴牾踈畧士民咸嗟嘆以爲汗青無日
矣予憫然曰可遂罷乎乃筮得乾之大有
厥錄惟吉予季春瓜期已及天復遲我
迄秋弗獲代亦維示我闡茲敷貢以植後
夫準規況王事靡盬我菲人何印自恤哉
乃亟理公事暇閱書秉筆肆惟日肝忘
食及舉燭達旦者十餘旬亦維矜我憚
人負痛孔將肆獲探脉察色我憂慘慘
若弗爲攻藥立方厥疾曷瘳哉且我何
知時有弋獲輒爲前叙後替精白芻蕘
罔非爲老倪是葵諸官生所纂闢政事
蠲烝民情康暢者始書此牘聯厥辭

削去越大事雲散鳥沒復加博采以杜
爽侮維

一統誌時配皇天各府誌出自壽者吾有
迷罔作有削靡增恐誌壽張乃類僂僂
人不將曰飛點摩褻東伴對哉於是復取
人物檄行廣州三學師生暨鄉士夫且
稽者再拜語之曰茲舉爲采民風持公

廣東通志初稿序

十三

道某也賢與衆旌之某也不肖與衆競之
月旦協矣朱墨昭矣君子平衡而勿遐
心矣衆僉曰善哉誌文可傳矣予駭曰
夫誌也者探淵海也文也者相金玉也
反是皆非也其誰與傳且我何敢好名
以圖傳哉甚不得已也凡以恤時艱而
脩我使職也詩曰期逝不至而多爲恤

我浴東廣吏聚蚊民穿雀政決隄賊伏
狼吾將掃之平之培之夷之而以期逝不
及矣故播告載備冀存典刑以不迷我
國家之明訓天譴吾地載吾維知忠乃

君澤乃民豈與瑣瑣蝸角爭雌雄哉故誌名
初稿弗敢自稱時叙惟俟後君子驥眈
我田塗茨我室焉爾矣嗚呼凡百執事

廣東通志初稿序

十四

尙知我既心慎事相與與嚴敦彝罔
敢不臬則於廣人不無消埃之助而在
我僭踰之罪少追一二也夫

嘉靖乙未孟冬吉日

賜進士第文林郎巡按廣東監察御史秦川
戴璟孟先書

丙戌

光祿

司馬

廣東通誌初纂目錄

卷首

凡例 圖經

卷第一

分野 山川上

卷第二

山川下

卷第三

政紀 行次

廣東通志卷首

目錄

卷第四

疆域 形勝 城池附

卷第五

封國 古蹟

卷第六

沿革 坊都

卷第七

秩官上

卷第八

秩官中

卷第九

秩官下

卷第十

公署 吏員附

卷第十一

循吏 名宦 將畧 忠義附

卷第十二

人物官蹟上

廣東通志卷首

目錄

卷第十三

人物官蹟下 名宦 義方附

卷第十四

人物將畧 義勇附 人物儒林 人物文苑

人物草行 孝友附

卷第十五

人物忠義 流寓 烈女

卷第十六

學校

卷第十七

道學

卷第十八

風俗

卷第十九

科貢上

卷第二十

科貢下

卷第二十一

廣東通志卷之

禮樂

卷第二十二

卹典 神祠 戶口

卷第二十三

田賦

卷第二十四

課料

卷第二十五

差役

卷第二十六

均平

卷第二十七

糧餉

卷第二十八

倉廩 驛傳

卷第二十九

鹽法 屯田

卷第三十

廣東通志卷之

珠池 鉄冶 番船

卷第三十一

土產 水利

卷第三十二

軍制 軍需附

卷第三十三

軍器 弓兵 民壯 打手附

卷第三十四

營堡 關津附 教場 上班 優給比試附 達舍

卷第三十五

外夷 海寇 僑僮

卷第三十六

生黎 仙釋 寺觀附

卷第三十七

祥異 舖舍

卷第三十八

橋梁 渡附 宮室 陵墓

卷第三十九

廣東通志

目錄

五

雜著 上

卷第四十

雜著 下

目錄終

新編廣東通志初纂凡例

一廣東舊無通志正德嘉靖初年撫按會聘儒館纂脩
事皆中止虛糜錢糧盈數百計而隻字片文不遺盡
由書籍殘缺而當事者苟延歲月含毫不斷殊為可
憾環以為及今不成將來虛糜如今之視昔也再三
籌度遂成此書以為節財之計云

一本年四月兩司會議聘文士纂述撫按俱各詳允奈
何或行聘而辭疾不起或召募而聚散不常人皆畏
難事輒報罷環亦以三月時維滿期亦徒浩歎曰此

廣東通志卷首

序

一

在後之人為之也既而八月初旬得新巡按陳手書
內開臘月中交代環乃白以其時則可為矣遂取
各府誌而於政暇通宵檢閱遂提筆成書姑備一方
缺典云

一誌內事蹟皆采之各誌而以

一統志為主其前有叙以發特言之蓋後有贊以揚未
盡之情皆環見自管班聲出蚰蛟者也顧閱筆有年
素絢無色殊為可愧但事事皆憂

國之過慮欵欵皆憂民之私謀語曰既有道而正焉豈

敢自謂此書不獲謬言也耶後有杞人出必知吾之

苦心而為之正之矣

一御史職在貞度肅條而乃為此若多事矣不知環觀
風之官也昔晦庵巡南康先觀誌書乃今咨諏頗悉
一得之愚不審之簡策以詔後人以警在位豈所謂
每懷靡及哉用是凡關於地方利害生民休戚風化
淑慝者盡之使奸貪者有所畏而不敢為庸懦者有
所據守而益勵其進豈唯一年之貞肅將以貽之久
遠以俟我使臣之職云

廣東通志卷首

凡例

二

一人物有邪正實蹟有污隆環東西南北之人也由百
世之後舉百世之上而品評之亦不過即事考心即
言觀行而已矣顧各府誌多出於鄉士門生之口其
間以盜跡為伯夷耶吾不得而知之也若欲盡疑而
痛刪之則豈可盡誣天下之無人哉傳曰信以傳信
疑以傳疑以仲尼大聖而郭公夏五之疑尚傳之而
況吾人豈可肆然自任筆削而居之無疑也周是將
各府誌曾見於雜記野史而彰彰可信者盡其
有的然知實為偽妄者已削十之七八其且信且疑

者兩存之以備參考其廣潮英後林立之地則責之
嚴高雷等府人物寂寥而待之又不容以不恕云
一自分野至雜著六十四條中間有關於政事民隱者
講究不敢不悉搜羅不敢不盡故凡環所以除奸剔
蠹者雖未敢自以為是亦備載於下以俟識者采討
云

一廣東邊境夷寇盜藪船主黎海寇盜擅皆詳書之民
生最患者曰驛傳曰差役曰田賦之類每事必分綱
別目而凡環禁約雖鄙俚區畫雖瑣屑亦載於下以

廣東通誌初藁

凡例

三

備舉籠云

一舊誌自昔無道學均平等條乃今創為此例何亦以
見世俗誦法聖賢而不知道學之所以然均平因舊
無則例而有司漁獵竭盡錙銖以致民益逃竄田廛
蕪業故今以一得之愚附於下使人知天下有正學
而不敢立異沽名以自附亂賊之流有司知均平之
有正法則亦不敢假公營私而瘡痍亦少甦云
一雜著上東廣潮諸府有關於教化民隱者盡其
或文采雖可觀而簡帙亦有限姑錄三以例其餘云

一古人作文若張衡覃思於十年左太冲苦精於二紀
此所以價重龜林而謂之盛書璿自八月初旬至十
月終但寢食俱忘倉卒就筆而已蓋目前乎此則不
暇為後乎此則不及為乃今不揣固陋輒復梓行若
存草創也亦以為潤色之柄俟班馬云
嘉靖十四年冬十一月朔屏石戴璟書

